



UNIVERSITÄTS-
BIBLIOTHEK
PADERBORN

**Scientia Salvts, Sive Considerationes Piæ, Præcipuam
Spiritualis Vitæ Materiam complectens**

Laberhittel, Samuel

Ingolstadii, 1660

133. Dominica 2. post Pascha. De bonis, quæ Deus promittit in altera vita.

[urn:nbn:de:hbz:466:1-59837](https://nbn-resolving.org/urn:nbn:de:hbz:466:1-59837)

Sabbato post Dom. in albis. 231

4. Gaudium fuit de bonis Christi ex contemplatione corporis ejus naturalis, quod Angeli desiderant.

5. Ex contemplatione corporis ejus gloriosi, quale futurum erat in cælis Lucerna beatorum: & titulorum Christi, quia Dei: qui tot fuerunt, quot sunt attributa Dei, & quæ hominis, qui tot sunt, quot effectus mirabiles per Christum sunt secuti, ut ruina Regni peccati, Gratia decus, ornamenta Virtutum, forma Ecclesie, lumen fidei, puritas innocentium, acta heroica, testimonia Martyrum, &c.

6. De bonis proprijs. Scivit se inter creaturas esse primam dignitate, quia scivit nullum esse majus beneficiû Maternitate Dei.

7. Ex reflexione omnium reliquorum beneficiorum à Deo sibi collatorum in terra, & in celo. Gaudebo de gaudijs Matris Dei, & ea in me augeri petam.

MEDITATIO. CXXXIII.

Dominica 2. post Pascha.

De bonis, quæ Deus promittit in altera Vita.

Avdiam Dominum vetantem gaudere de cunctis hæctenus promissis bonis in terra, propter ingentia & ineffabilia bona, quæ promittit in cælis suis, quibus ait Luc. 10.

Verum.

Verumtamen in hoc nolite gaudere, &c. Gaudete autem, quia nomina vestra scripta sunt in calicibus. petam ea bona agnoscere, & consequi.

Conf. 1. Quomodo sub metaphora Ovis intelligatur Pater æternus, per portam Christus, vel fides Christi, qui alias Pastor vocatur, per ostiarium Spiritus sanctus, per oves intelligantur fideles omnes, quibus ad ovile gratiæ & gloriæ ingrediendum nulla sapientia, nulla quantumcunque vita bona sufficit, nisi eis aperiat ostiarius Spiritus sanctus. *Dicam, inquit hinc August. Pagani, vel Iudæi, vel Hæretici, bene vivimus: si per ostium non intrent, quid eis prodest? Quia Christus D. est nobis ostium, ad electionem, ad fidem, ad veniam, ad gratiam, ad bona opera, ad meritum, ad spem salutis, ad perseverantiam, ad resurrectionem carnis, ad omne bonum.*

Conf. 2. Verba Christi ovibus suis bona pascua promittentis: *Ego vitam æternam do eis, & non peribunt in æternum, & non rapiet eas quisquam de manu mea.* Ratio est: quia *Ego & Pater unum sumus, sed Pater, qui dedit mihi, major omnibus est creaturis, & Angelis major ad protegendum, quàm illi ad impugnandum: nemo igitur potest rapere de manu Patris mei, vel mea.* O quàm bona Pascua vitæ æternæ, ubi nulla herba arefcit, totum viret! Orabo semper protegi hac manu,

ad illa septem promissa veniam, ubi erit à
mœrore consolatio, à labore requies, à servi-
tute libertas, à timore securitas, à morte re-
surrectio, à resurrectione summum plenû &
indeficiens gaudium, ubi Deus dabit nobis
seipsum, ita D. Aug. Lib. 2. Confess. cap. 17.

Conf. 3. Originem omnis hujus boni, quia
per me, si quis introierit, salvabitur, & ingre-
dietur. Greg. in Ezech. hom. 13. Ingredietur
ad fidem, egredietur ad speciem, & pascua
inveniet in æterna satietate. Ingressus & e-
gressus phrasi Hebræâ significat omnia ne-
goria hominis, juxta illud Psalm. 120. *Dom-*
inus custodiat introitum tuum, & exitum tuum,
id est, quidquid egeris, benedicat, & ad feli-
cem exitum deducat. Rogabo Dominum.
ut eum juxta D. Ambrosium sint *bona pascua*
divina Sacramenta, Ser. 14. in Ps. 118. su-
mendo ea, replear omni benedictione.

MEDITATIO CXXXIV.

Feria 2. post Dom. 2. post Pascha

De bonis Beatorum in genere.

Aspiciam bona tria, quæ soli mundo no-
ta, opes, voluptates, honores e cælis ex-
clusa, & metaphoricè tantum in cælis con-
tenta, ad explicandam ineffabilem Beato-
rum felicitatem. Petam agnoscere hanc veri-
tatem, & magis bona cæli æstimare.

Conf. 1.